

INFOKUS

UMT

JUN 2016 | Bil. 55
www.umt.edu.my



Dato' Mohammed Azlan Hashim
Pengerusi LPU UMT yang Baharu


ITEX 2016
UMT Raih 13 Pingat

Lawatan Kerja
Naib Canselor UMT
ke Amerika Syarikat

Penyelidik UMT
sertai Ekspedisi Antartika 2016

Penerbit UMT
hos Majlis Anugerah
MAPIM-KPT 2015

ISSN 1675-2139



9 771675 213002

**TERKINI
DI PASARAN**



INOMOGRAF SEJARAH PEPERANGAN **TOK JANGGUT** DI KELANTAN

Pengarang : Hamdan Aziz
Tahun Terbit : 2016
Terbitan : Penerbit UMT
Harga : RM28.00

Dari tahun 1915 sehingga 2015, genaplah 100 tahun perjuangan Tok Janggut yang gugur syahid di medan perjuangan. Gugurnya tokoh terbilang bersama pengikutnya semata-mata mempertahankan kedaulatan bangsa dan tanah air. Justeru sebagai menghargai tokoh tanah air seperti Tok Janggut, sebuah monograf diterbitkan bagi memberi kefahaman terhadap kedudukan sebenar siapakah Tok Janggut? Sehubungan itu sebuah manuskrip yang bertajuk "Sejarah Peperangan Tok Janggut di Kelantan" dalam koleksi Pusat Kebangsaan Manuskrip Melayu (PMMe), (MSS 1651) wajar diabadikan bagi mengingati tokoh gemilang ini. Manuskrip asal tertera dalam tulisan Jawi 1940-an boleh dikatakan antara yang lengkap yang menceritakan beberapa elemen seperti susuk tubuh Tok Janggut sewaktu kecil, zaman remaja sehingga saat genting perjuangan menentang British. Oleh itu beberapa maklumat penting seperti keluarga, tahap pendidikan, kawasan pertempuran, reaksi kerajaan Kelantan serta orang ramai terhadap perjuangan Tok Janggut diketengahkan melalui penulisan monograf ini. Berdasarkan sedikit kepakaran, penulis mentransliterasi manuskrip tersebut daripada Jawi kepada tulisan Rumi bagi memudahkan pembaca memahami hasrat sebenar tulisan yang diketengahkan penulis manuskrip. Monograf ini sesuai kepada semua lapisan pembaca kerana dipersembahkan dalam bentuk bahasa yang mudah serta telah ditransliterasi ke dalam tulisan Rumi.

Sidang Redaksi

Penaung

YBhg. Prof. Dato' Dr. Nor Aieni Haji Mokhtar

Penasihat

YBhg. Prof. Dr. Mohd. Effendy Abd. Wahid

Ketua Pengarang

Prof. Madya Dr. Noraien Mansor

Editor

Rabil Sitta Abdul Rahman
Mohd Izham Mohd A. Wahid
Harisom Anida Musa
Mohd Afifullah Ahmad

Pereka Grafik

Mohd Fadli Abdullah

Jurufoto

Mokhtar Ishak
Muhamad Adli Hashim
Krew Media Kreatif



Kandungan

- 6** Sekalung Tahniah
YBhg. Dato' Mohammed Azlan bin Hashim
Pengerusi Lembaga Pengarah, Universiti Malaysia Terengganu
- 8** Naib Canselor UMT
sertai Global Engagement, Global Challenges
di Philadelphia, Pennsylvania, USA
- 12** Penyelidik UMT
sertai Ekspedisi Antartika Malaysia 2016
- 14** Penyelidik UMT ikuti Pelayaran Saintifik
ke Benua Antartika
- 16** ITEX 2016 Penyelidik UMT rangkul 5 emas, 5 perak
dan 3 gangsa
- 18** Makalah Penyelidik UMT diiktiraf dan diterbit
dalam jurnal *Applied Catalysis B-Environmentalx*
- 22** Penerbit UMT menjadi hos Majlis Anugerah
MAPIM-KPT 2015
- 26** Kepakaran CRC Australia bantu UMT dalam kajian
pengurusan bencana alam
- 28** UMT Menang Anugerah Program Trisakti Economics,
Business Fair Competition 2016
- 31** Konsep Kesepuangan dan Keserakanan UMT & UNISZA
- 32** Jalinan Kerjasama antara Pusat Pengajian
Pembangunan Sosial dan Ekonomi (PPPSE)
dengan Yayasan Diraja Sultan Mizan (YDSM)
- 33** Lawatan Akademik Universitas Kanjuruhan
Malang ke PPPSE
- 34** Penyelidik UMT Temui Kelulut Emas di Sarawak
- 37** Majlis Pemakaian Pangkat PALAPES (L) UMT
- 38** Pesta Buku Antarabangsa Kuala Lumpur 2016
Syurga Si Ulat Buku
- 39** Renungan



Secangkir Kata

*Memburu keredhaan Illahi...
Bukan mudah untuk diterobosi...
Kekuatan mental dan emosi...
Menjadi taruhan ketenangan abadi...*

(Noraien Mansor, 7 Mei 2016)

Assalamualaikum w.b.t. dan salam sejahtera.

Alhamdulillah syukur ke hadrat Allah Yang Maha Esa, INFOKUS UMT edisi Jun 2016 dapat menemui para pembaca budiman. Sidang redaksi mengucapkan sekalung tahniah kepada YBhg. Dato' Mohammed Azlan bin Hashim atas pelantikan beliau sebagai Pengerusi Lembaga Pengarah Universiti Terengganu yang baharu. Semoga kehadiran YBhg. Dato' Pengerusi akan membawa sinar kecemerlangan dan kegembilangan yang utuh untuk UMT meraih kehebatan di pentas lokal dan global.

Memburu keredhaan Illahi memerlukan kekuatan dan kekentalan mental, fizikal dan emosi. Walaupun bukan mudah untuk kita menerobosi pelbagai kekangan yang mendarat, namun doa yang utuh pasti membawa kejayaan dengan keizinan-Nya. Justeru dalam apa jua tugas yang kita pikul untuk meraih kecemerlangan dan memahat kegembilangan, keikhlasan menjadi keutamaan untuk kita mendapat keredhaan dan keberkatan abadi. Usahlah kita mencanang pencapaian kita dengan penuh keriakan, menggendang sahabat kita dengan kepincangan, pasti kebinasaan menggesek kehidupan kita dengan kemurkaan Yang Maha Esa. Semai dan tatanglah sikap merendah diri dan hangatkan kesyukuran kita dengan nikmat kurniahan Illahi, semoga ketenangan abadi menjadi taruhan pasti. Insya-Allah.

PROFESOR MADYA DR. NORAIEN MANSOR

Sekapur Sirih

Assalamualaikum warahmatullahi wabarakatuh
dan Salam sejahtera, Salam 1Malaysia, Salam 1UMT
dan Salam Sehati Sejiwa.

Syukur alhamdulillah, dengan rasa penuh kesyukuran kehadrat Allah SWT kerana dengan limpah, kurnia dan izin-Nya, maka dapat kita bertemu kembali dalam ruangan Coretan Naib Canselor.

Sesungguhnya permulaan tahun 2016 berjaya membentuk citra Universiti Malaysia Terengganu (UMT) dengan penuh gemilang di peringkat nasional. UMT telah menjadi tumpuan hasil daripada beberapa kejayaan yang amat membanggakan.

UMT telah berjaya menganjurkan Gempak Keusahawanan Kerjaya dan SL1M Zon Pantai Timur 2016 pada 4 – 6 Mac 2016 dan program tersebut ini telah dirasmikan oleh YB Dato' Seri Idris bin Jusoh, Menteri Pendidikan Tinggi Malaysia. Gempak Keusahawanan Kerjaya dan SL1M Zon Pantai Timur melibatkan beberapa agensi untuk menjayakannya dari sudut tenaga dan penajaan. Antara agensi yang terlibat adalah Pusat Keusahawanan dan Kerjaya UMT, ECER, KPT, TalentCorp, Kerajaan Negeri Terengganu, Sekretariat SL1M, JobsMalaysia, Dato' Ghazali Dato' Yusuf, MPP IPTA dan IPTS serta Pusat Keusahawanan IPTA dan IPTS di Malaysia.

Manakala program Kerjasama Akademia-Industri ataupun **Program Industry on Campus** dengan Majlis Pelancaran Teaching Accountancy Firm (TAF) antara UMT dengan firma kewangan Salihin. Inisiatif pertama di dunia yang dilancarkan ini diharapkan dapat memberikan sumbangan dalam pelbagai aspek kepakaran dalam bidang kewangan.

UMT dan Universiti Sultan Zainal Abidin (UniSZA) telah diberi kepercayaan oleh pihak Kementerian Pendidikan Tinggi Malaysia bagi mempelopori Konsep Kesepuian dan Keserakahan (COMMONALITY & COLLEGIALITY).

Bulan Mei 2016 merupakan suatu tempoh yang sibuk bagi UMT apabila pelbagai agensi kerajaan menjalankan kolaborasi serta memilih UMT sebagai rakan kerjasama strategik. Majlis Perasmian Ijtimak Pondok Semalaysia yang dirasmikan oleh YAB Perdana Menteri telah menempa satu sejarah besar



bagi UMT. Pelbagai program juga telah dilaksanakan sempena World Ocean Week 2016 dan beberapa agensi kerajaan, NGOs serta syarikat swasta telah menjadikan UMT sebagai hab bidang berkepakaran marin dan maritim.

Sesungguhnya komitmen yang ditunjukkan oleh semua warga UMT dalam merealisasikan perjalanan program yang dianjurkan amatlah dihargai. Tanpa komitmen serta semangat tanpa mengenal erti lelah telah meletakkan citra UMT di peringkat nasional dalam kelasnya yang tersendiri.

Akhir kata dari saya, tiada ungkapan kata-kata yang sesuai bagi mengambarkan ucapan terima kasih saya kepada semua warga UMT. Saya percaya segala rintangan dan cabaran yang terhampar di sepanjang perjalanan, telah kita tempuh hasil daripada semangat kekitaan yang begitu tinggi hasil daripada perancangan pelaksanaan yang jitu demi memartabatkan nama Universiti Malaysia Terengganu. Sekian.

Wabillahi Taufik Wal Hidayah
Wassalamualaikum waramatullah wabarakatuh.

**PROFESOR DATO' DR. NOR AIENI
HAJI MOKHTAR**



Sekalung Tahniah

YBHG. DATO' MOHAMMED AZLAN BIN HASHIM
atas pelantikan sebagai

**Pengerusi Lembaga Pengarah
Universiti Malaysia Terengganu**

Naib Canselor UMT sertai Global Engagement, Global Challenges di Philadelphia, Pennsylvania, USA

oleh: Prof. Madya Dr. Noraien Mansor | Penerbit UMT

Global Engagement, Global Challenges adalah program yang dirangka untuk memberi peluang kepada kepemimpinan pendidikan tinggi bertemu dan berinteraksi tentang isu-isu terkini pendidikan tinggi, kepentingan strategik serta minat bersama dengan rakan seperjuangan mereka dari seluruh pelusuk dunia. Fokus utama perbincangan berkisar kepada isu kepemimpinan, pengurusan dan governan dalam konteks globalisasi dan pengantarabangsaan dengan memberi peluang kepada peserta terlibat untuk melantunkan pandangan melalui perbincangan, perdebatan dan penganalisisan terutama berkaitan permintaan pendidikan tinggi untuk mengadaptasi dan melaksanakan inovasi dalam dunia pendidikan tinggi.




Program Global Engagement, Global Challenges bermula pada tahun 2014 dengan siri pertamanya dianjurkan di Chicago, Amerika Syarikat. Siri kedua dalam tahun 2015 diadakan di Melbourne dan Adelaide, Australia, manakala siri ketiganya diadakan di Philadelphia, Amerika Syarikat. Menurut Naib Canselor UMT, YBhg. Profesor Dato' Dr. Nor Aieni Mokhtar, program ini adalah siri yang keempat yang berlangsung di University of Pennsylvania. Program ini berlangsung selama empat hari bermula pada 24 April sehingga 27 April 2016 padat dengan pembentangan, perbincangan meja

“Penyertaan Naib Canselor UMT dalam program ini sudah pasti dapat meningkatkan profesionalisme dalam menyokong usaha Kementerian Pendidikan Tinggi bagi memperkasa kepemimpinan pendidikan tinggi dan seterusnya melonjak kecemerlangan universiti di Malaysia...”

bulat dan perkongsian maklumat global bertemakan *Changing Contexts: The Need for New Business Models, Academic Innovation and Other Responses to a More Resource Constrained Environment.* Antara penceramah utama dalam

program ini termasuklah Dr. Tom Kennie, Ranmore dan Profesor Robin Middlehurst dari Kingston University serta Dr. Peter Eckel dan Profesor Matt Hartley dari University of Pennsylvania.

Penyertaan Naib Canselor UMT dalam program ini sudah pasti dapat meningkatkan profesionalisme dalam menyokong usaha Kementerian Pendidikan Tinggi bagi memperkasa kepemimpinan pendidikan tinggi dan seterusnya melonjak kecemerlangan universiti di Malaysia selari dengan slogan “Soaring Upwards” Menteri Pendidikan Tinggi Malaysia, YB Dato’ Seri Idris Jusoh.





Naib Canselor UMT, YBhg. Prof. Dato' Dr. Nor Aieni Haji Mokhtar bersama peserta lain yang menyertai program Global Engagement, Global Challenges.



Naib Canselor UMT, YBhg. Prof. Dato' Dr. Nor Aieni Haji Mokhtar bersama Naib Canselor UniSZA, Prof. Dato' Dr. Ahmad Zubaidi Abdul Latif.

Tajuk-tajuk utama dan menarik yang dibentangkan dan menjadi topik perbincangan termasuklah;

- *Higher Education in the US: Review of Current Business Models and Leadership Challenges*
- *Review of Current Institutional Challenges-Developing a New Business Model*
- *The Challenges and Responses to the Existing Business Model*
- *Innovative Approaches to Revenue Generation and Margin Improvement-Public Private Partnerships*
- *Cabrini College-In Pursuit of a New Business model in a Small Liberal Arts College*
- *The Challenges and Responses to the Existing Business Model*
- *Understanding Our Overseas Colleagues: A Brief Overview of Higher Education Systems and Business Models*



Penyelidik UMT sertai Ekspedisi Antartika Malaysia 2016

oleh: Dr. Wan Mohd Rauhan Wan Hussin | Pusat Pengajian Sains Perikanan dan Akuakultur

**(dalam edisi lepas, diceritakan tentang kapal layar terpaksa berpatah balik. Ikuti sambungan pengalaman penyelidik UMT.)*



19 Januari 2016

Setelah 1 malam di Puerto William (Chile), kami meneruskan perjalanan ke Puerto Toro (19 Januari 2016). Puerto Toro merupakan kawasan penempatan paling selatan di bumi (tidak termasuk Antartika memandangkan Antartika tidak mempunyai penduduk tetap). Setelah satu malam di sini, barulah kami dapat meneruskan pelayaran ke 'Drake Passage' yang terkenal sebagai

perairan yang paling bergelora. Pelayaran ini mengambil masa dua hari setengah sebelum kami tiba di stesen penyelidikan milik Korea iaitu King Sejong Station yang terletak di pulau King George, Antartika pada lewat malam 23 Januari. Pengalaman menyeberangi Drake Passage merupakan sesuatu yang sangat mencabar. Sepanjang pelayaran, keadaan laut sangat bergelora sehingga menyukarkan kami untuk bergerak. Kebanyakan daripada kami

hanya mampu berbaring di atas katil dan ada juga yang hanya makan beberapa keping biskut dan separuh botol air sepanjang dua hari setengah tersebut. Namun, ketidakselesaan tersebut bertukar keceriaan apabila kami sampai di Antartika (King Sejong Station). Dengan sekelip mata, kami semua kembali bertenaga kerana terlalu teruja untuk menjakkan kaki di benua selatan ini.

Stesen King Sejong ini juga merupakan stesen persampelan



Kapal layar Australis yang membawa penyelidik Malaysia meneroka Antartika.

kami yang pertama. Saya sendiri mengambil sampel bentos (hidupan dasar laut) dan sedimen untuk dikaji ciri-ciri ekologi hidupan ini, dan dibandingkan dengan hidupan di stesen-stesen lain. Selain untuk persampelan, kami juga mendapat bantuan bekalan bahan kimia daripada pihak Korea Polar Research Institute (KOPRI) sebagai urus setia stesen ini. Keadaan cuaca di stesen ini sangat buruk dengan angin kencang dan ribut salji yang berpanjangan. Pada hari pertama, kami tidak dibenarkan menjalankan sebarang aktiviti luar oleh pihak stesen. Pada hari kedua di stesen ini (25 Januari), barulah kami dibenarkan untuk menjalankan persampelan setelah cuaca agak baik.

26-28 Januari 2016

Pada jam 2.00 pagi (26 Januari), kapal layar Australis menyambung pelayaran ke stesen kedua kami iaitu Greenwich Island yang mengambil masa 6 jam. Pada hari yang sama kami juga ke stesen ke-3 iaitu Deception Island. Pulau ini agak menarik kerana terdapat aktiviti gunung berapi yang masih aktif.

“Pulau ini agak menarik kerana terdapat aktiviti gunung berapi yang masih aktif. Semasa di pulau ini juga, kami telah mendapat maklumat tentang keadaan cuaca yang berubah secara drastik. Oleh itu, kami bersetuju untuk menukar laluan pelayaran, iaitu dengan bergerak ke stesen yang paling mudah yang boleh dituju.”

Semasa di pulau ini juga, kami telah mendapat maklumat tentang keadaan cuaca yang berubah secara drastik. Oleh itu, kami bersetuju untuk menukar laluan pelayaran, iaitu dengan bergerak ke stesen yang paling mudah yang boleh dituju terlebih dahulu sebelum berpatah balik ke stesen lain.

Pada awal pagi 27 Januari, kami bergerak ke stesen paling selatan yang dapat dituju. Kemudian, pada awal pagi 28 Januari, kapten kapal Australis memaklumkan kepada kami bahawa mustahil untuk meneruskan pelayaran ke selatan lagi disebabkan terlalu banyak bongkah ais serta ais terapung yang menghalang laluan. Jadi, kami semua bersetuju untuk menjadikan kawasan berdekatan iaitu

Darboux Island sebagai stesen ke-4 kami.

29-30 Januari 2016

Selepas itu, pada awal pagi 29 Januari, kami bergerak ke arah utara dan berhenti di Danco Coast (stesen ke-5) 4 jam selepas itu. Setelah menikmati cuaca yang agak baik di tiga stesen sebelum ini, keadaan di Danco Coast sangat mencabar. Hampir keseluruhan kawasan ini dilitupi salji dan menyukarkan kami untuk mencari kawasan persampelan. Oleh itu, kami terpaksa melakukan sedikit pendakian untuk mencari kawasan yang sesuai untuk menjalankan kajian. Setelah selesai kerja di sini, kapal Australis terus bergerak ke tempat lain untuk berlindung dan bermalam, iaitu di Paradise Bay.

Kami tiba di stesen ke-6 (Paradise Bay) pada malam 30 Januari. Keesokan harinya kami terus menjalankan kerja persampelan di sini sebelum meneruskan pelayaran pada hari yang sama untuk menjalankan kerja di stesen ke-7 iaitu Enterprise Island.

31 Januari- 8 Februari 2016

Pada 31 Januari (jam 3.00 pagi), kapal layar Australis menyambung pelayaran ke stesen terakhir (Trinity Island). Kami tiba di sini pada jam 10.00 pagi. Setelah selesai kerja di sini, kami meneruskan pelayaran balik ke King Sejong Station. Pelayaran kami dari satu stesen ke stesen yang lain terpaksa dilakukan dengan pantas memandangkan keadaan cuaca yang tidak mengizinkan.

Kami tiba di King Sejong Station pada jam 2.00 petang 1 Februari. Hentian ini bertujuan



Kawanan penguin Gentoo berdekatan pondok tinggalan Argentina di Trinity Island.

untuk membolehkan sebahagian daripada kami menyambung kerja dan juga memproses sampel menggunakan kemudahan makmal dan peralatan yang disediakan oleh pihak Korea. Mengikut perancangan, kami sepatutnya berada di stesen ini untuk tiga hari, namun, sekali lagi ramalan terkini cuaca ternyata tidak menyebelahi kami. Setelah semalam di King Sejong Station, kapten kapal Australis mengarahkan semua saintis untuk berpatah balik ke kapal dan kami kemudiannya meneruskan pelayaran balik ke Ushuaia pada jam 6.00 petang.

Menurut kapten kapal, Magnus, jika kami tidak mula belsey pada hari tersebut (2 Februari), kemungkinan besar kami akan terkandas di King George Island sehingga 8 Februari kerana dijangkakan cuaca yang sangat buruk akan melanda sekitar Lautan Selatan yang menyebabkan pelayaran menyeberangi Drake Passage adalah mustahil.



Bot getah juga digunakan untuk memudahkan kerja mengutip sampel.

Pelayaran balik menyeberangi Drake Passage pada kali ini tidak seteruk pengalaman pertama kami walaupun keadaan laut dan ombak agak sama dengan sebelum ini. Ini mungkin disebabkan kami semua telah menyesuaikan diri dengan keadaan laut serta juga sudah serasi dengan kapal Australis.

Memandangkan kami belsey balik tiga hari lebih awal daripada

dijadualkan, maka kami juga tiba di pelabuhan Ushuaia tiga hari lebih awal iaitu pada malam 5 Februari. Kami semua ‘menginap’ di dalam kapal tersebut untuk tiga malam sebelum bergerak ke hotel pada 8 Februari seperti yang dijadualkan. Semasa di Ushuaia, saya dan beberapa rakan penyelidik mengambil peluang keadaan yang tenang untuk menyiapkan kerja-kerja pemprosesan dan pembungkusan



Penulis mengutip sampel sedimen di Danco Coast.



Amphipod. Sejenis krustasia yang banyak dijumpai di semua stesen kajian.



Bersama Dr. Han-Gu Choi, Ketua stesen King Sejong.

sampel. Kerja pembungkusan sampel terutamanya perlu dilakukan dengan teliti kerana ia melibatkan pengawetan spesimen hidupan laut menggunakan alkohol, dan akan melalui perjalanan yang sangat panjang.

10 Februari 2016

Dari Ushuaia, kami meneruskan perjalanan ke ibu Negara Argentina

iaitu Buenos Aires pada 10 Februari. Di sini kami dijemput oleh Duta Besar Malaysia ke Argentina iaitu TYT Dato' Mohd Ashri bin Muda untuk menikmati jamuan makan malam di rumah beliau. Setelah hampir sebulan makan makanan Barat di dalam kapal layar, ternyata hidangan Malaysia di rumah Dato' Ashri sesuatu yang sangat kami hargai.

10 Februari 2016

Penerbangan kami dari Buenos Aires adalah pada 12 Februari, dan setelah menempuh perjalanan lebih 24 jam (termasuk transit di Dubai), kami akhirnya selamat tiba di bumi Malaysia. Selain ahli keluarga terdekat, kehadiran kami juga disambut oleh Timbalan Menteri Sains Teknologi dan Inovasi, YB Datuk Dr. Abu Bakar bin Mohamad Diah.

Alhamdulillah, walaupun terdapat beberapa perancangan kami terpaksa diubah, secara keseluruhan ekspedisi ini dianggap berjaya dari aspek saintifik. Selain itu, dari segi perjalanan pula, ianya suatu pengalaman yang sangat berharga dan ekspedisi ini akan dijadikan sebagai rujukan kepada Yayasan Penyelidikan Antartika Sultan Mizan dalam program-program antartika yang akan datang.

ITEX 2016

Penyelidik UMT rangkul 5 emas, 5 perak dan 3 gangsa

Kumpulan penyelidik Universiti Malaysia Terengganu (UMT) yang telah menyertai 27th International Invention & Innovation Exhibition (ITEX) yang berlangsung pada 12-14 Mei 2016 di Kuala Lumpur Convention Centre (KLCC). Kumpulan penyelidik UMT ini telah

menghantar sebanyak 13 produk penyelidikan dalam lima kategori iaitu Agriculture (2); Environmental & Renewable Energy (5) Education (1); Materials (4); dan Personal Care Products (1) yang disertai oleh 10 penyelidik.

Mereka telah mengharumkan nama UMT apabila berjaya merangkul 5 Emas, 5 Perak dan 3 Gangsa. Berikut adalah keputusan bagi pertandingan ITEX 2016;

No	Penyelidik	Produk	Kategori	Pingat
1	Prof. Madya Dr. Wan Mohd Khairul Wan Mohamed Zin	<i>AC.THO-SENSE: Green Approach Sensing Material for Carbon Monoxide Gas Detection</i>	<i>Environmental & Renewable Energy</i>	Emas
2	Prof. Madya Dr. Wan Mohd Khairul Wan Mohamed Zin	<i>ThiOLED: A Petit Waste-Reducing New Materials for Lighting Technology Interest</i>	Materials	Gangsa
3	Prof. Madya Dr. Mohd Ikmar Nizam Mohamad Isa	<i>HeXAN Bio-plastic: Smart Materials for Greener Technology</i>	Materials	Perak
4	Prof. Madya Dr. Marina Hassan	<i>LeucaFix: Wound Healing for Fish Injuries</i>	Agriculture	Gangsa
5	Prof. Madya Mohd Zul Helmi Rozaini	<i>SYNERGR8™ Evolving New Paradigm for Natural Hybrid Sunscreen In Cosmeceutical Treatment Towards Zero Fisheries Waste for Global Sustainability</i>	Personal-care Products	Perak
6	Dr. Mohamad Rosni Othman	<i>The Hurricane Protective Barrier System</i>	<i>Environmental & Renewable Energy</i>	Perak
7	Dr. Noor Zaitun Yahaya	<i>MY_ATMOS : Novel Method With Stochastic Approach to Analyse Big Data Sets</i>	<i>Environmental & Renewable Energy</i>	Emas
8	Dr. Noraida Hj. Ali	<i>User's Behaviour Analyzer for E-Learning Applications in The Social Network (UBIAR)</i>	Educational Items	Emas
9	Dr. Mohd Hasmizam Razali	<i>NANO-CAT: CO₂ Greenhouse Gas Converter into Useful Products</i>	<i>Environmental & Renewable Energy</i>	Perak
10	Dr. Laili Che Rose	<i>ON DEMAND COATED CAPSULE (OD2C) - Novel, Robust and Reliable Coated Capsule Embedded with Magnetic Nanoparticle for Demand Drug Release Especially in Colon.</i>	Materials	Perak
11	Dr. Lam Su Shiung	<i>Mic-Pyro : A Microwave Pyrolyzer to Recover Diesel-Like Fuel from Waste Waste Palm Oil</i>	<i>Environmental & Renewable Energy</i>	Emas
12	Dr. Lam Su Shiung	<i>Microwave Activated Char from Biomass Waste – A Promosing Activated Carbon for Environmental and Catalytic Applications</i>	Agriculture	Emas
13	Dr. Lam Su Shiung	<i>Fruit Peel Char As A Green Solid Fuel, Soil Additive, and Carbon Black</i>	Materials	Gangsa

Tahniah kepada semua penyelidik yang menyertai ITEX 2016 dan mengharumkan nama UMT di persada penyelidikan peringkat kebangsaan.



Naib Canselor UMT, YBhg. Prof. Dato' Dr. Nor Aieni Haji Mokhtar turut bersama penyelidik UMT di ITEX 2016.



Penyelidik UMT yang menang di ITEX 2016 bergambar bersama Timbalan Naib Canselor (Penyelidikan dan Inovasi) UMT, YBhg. Prof. Dr. Mohd Effendy Abd. Wahid.

Makalah Penyelidik UMT diiktiraf dan diterbit dalam jurnal *Applied Catalysis B-Environmental*

oleh: Dr. Lam Su Shiung | Pusat Pengajian Kejuruteraan Kelautan

Makalah penyelidik UMT berjudul; *Catalytic Microwave Pyrolysis of Waste Engine Oil Using Metallic Pyrolysis Char* telah diterbitkan dalam Jurnal Berfaktor Impak Tinggi iaitu *Applied Catalysis B-Environmental* terbitan Elsevier.


“Jurnal Applied Catalysis B-Environmental terbitan Elsevier merupakan jurnal yang diindeks oleh ISI ini memiliki faktor impak 7.435 dan merupakan jurnal terunggul (No.1) dalam bidang Kejuruteraan Alam Sekitar.”

Jurnal yang diindeks oleh ISI ini memiliki faktor impak 7.435 dan merupakan jurnal terunggul (No.1) dalam bidang Kejuruteraan Alam Sekitar.

Penulis utama makalah ini, Dr. Lam Su Shiung merupakan pensyarah dalam bidang Teknologi Alam Sekitar di Pusat Pengajian Kejuruteraan Kelautan. Beliau adalah ahli penyelidik Kumpulan SIG, *Eastern Corridor Renewable Energy*. Beliau telah mengharumkan nama universiti apabila berjaya menerbitkan hasil kajiannya dalam jurnal tersebut. Kajian ini adalah hasil kerjasama dengan mentor dan bakal penelia PhD beliau, Profesor Emeritus Howard Chase di Universiti Cambridge, dan juga rakan penyelidik di Universiti Malaysia Pahang (UMP).



Hasil usaha kerjasama Dr. Lam dengan mentor beliau, Profesor Emeritus Howard Chase di Universiti Cambridge.



Grafik Abstrak makalah (Lam et al., 2015). Lam SS, Liew RK, Cheng CK, Chase HA. *Catalytic microwave pyrolysis of waste engine oil using metallic pyrolysis char*. *Applied Catalysis B: Environmental* 2015;176-177:601-17.

Makalah ini telah mencatat 11 sitasi sejak diterbit pada pertengahan 2015 dan ianya melaporkan satu penemuan utama dalam Teknologi Lestari melalui penyelidikan penukaran minyak sisa kepada produk bahan api berdasarkan pirolisis gelombang mikro. Pendekatan perintis ini telah menerima pengiktirafan sebagai ‘penyelidikan yang mempunyai piawai akademik tertinggi’ oleh Profesor Paul Williams (pakar dunia yang terkenal dalam Kejuruteraan Alam Sekitar) dan dilaporkan secara meluas di laman Web (Google: ‘New microwave method converts used motor oil into fuel’). Kajian berkaitan

“Makalah ini, telah mencatat 11 sitasi sejak diterbit pada pertengahan 2015, melaporkan satu penemuan utama dalam Teknologi Lestari melalui penyelidikan penukaran minyak sisa kepada produk bahan api berdasarkan pirolisis gelombang mikro.”

juga telah memenangi anugerah emas di dalam pertandingan Inovasi UMT 2015 dan telah dipilih untuk pertandingan ITEX 2016.

Penggunaan pirolisis gelombang mikro yang berupaya merawat

dan menjana sumber bahan api daripada minyak sisa menyokong Rancangan Malaysia ke-11 dalam menyediakan laluan baru untuk mengitar semula pelbagai jenis sisa organik di samping menjana sumber bahan api tambahan untuk dunia yang dahagakan tenaga. Pendekatan perawatan sisa kepada bahan yang bernilai tinggi (*Waste to Wealth*) ini dapat dimanfaatkan dan diaplifikasi dalam industri Rawatan Sisa, Tenaga, Bahan Api, Minyak dan Gas. Semoga pencapaian beliau ini memberi inspirasi dan motivasi kepada penyelidik-penyalidik lain di UMT untuk terus berusaha mencapai kecemerlangan bagi mencari keunggulan.

Applied Catalysis B: Environmental ISSN 0926-3373

Contents lists available at ScienceDirect
Applied Catalysis B: Environmental
journal homepage: www.elsevier.com/locate/apcatb

Catalytic microwave pyrolysis of waste engine oil using metallic pyrolytic char

Shi Shuang Lam^{a,b,c}, Rock Keei Lew^b, Chin Kui Cheng^b, Howard A. Chase^c

^a School of Chemical Engineering (Engin), Universiti Malaysia Terengganu, 21030 Kuala Terengganu, Terengganu, Malaysia
^b Faculty of Chemical and Natural Resources Engineering, University Malaysia Pahang, 26600 Gambang, Kuantan, Pahang, Malaysia
^c Department of Chemical Engineering and Biotechnology, University of Cambridge, New Museums Site, Cambridge CB3 0FA, United Kingdom

ARTICLE INFO

Article history:
Received 10 December 2014
Received in revised form 1 March 2015
Accepted 7 April 2015
Available online 9 April 2015

Keywords: Pyrolysis • Char • Catalyst • Waste

ABSTRACT


Metallocene pyrolysis was performed on waste engine oil processed with different amounts of metallic pyrolytic char prepared from a catalytic microwave pyrolysis process. The resulting char catalyst was found to provide a more effective catalyst for catalytic microwave pyrolysis due to its porous nature. The heating characteristics of the mixture of waste oil and metallic char during the pyrolysis were investigated, and the catalytic influence of the metallic char on the yield and characteristics of the pyrolysis products are discussed with emphasis on the composition of oil and pyrolysis products. The results show that the addition of metallic char to the mixture of waste oil and pyrolytic char resulted in a 4% increase in oil yield. It was also found that pyrolytic metals and metallic char interacted to form a porous catalyst to be used in pyrolysis cracking processes. The metallic char catalyst acted as an adsorption support to activate metals, metal nodules and metallic char. Thus, the char catalyst can be used as a catalyst for the cracking of waste oil. The results also show that a high reaction rate can be obtained in a short time and it was found to be an energy saving and quick cracking technique for pyrolysis of the waste oil, resulting in the formation of low temperature high temperature sites with temperatures up to 800°C and the reactor under the influence of microwave heating. The presence of this high temperature metallic char, the amount of which can be easily increased when increasing amounts of metallic char were added to the mixture of waste oil and pyrolytic char, was added to the reactor, had provided activating chemical reactions to activate the metallic char used as an adsorption catalyst to reduce the activated metals or metallic char onto metallic char, which then functioned as a catalyst to provide more reactivities than enhanced the cracking and hydrocracking reactions that could directly or partially increase the weight loss and higher yields of light hydrocarbons. (b) and (D) shown in the figure. The results revealed a pyrolytic product of 60.4 wt% yield of pyrolysis oil containing 21.4% hydrocarbon char can potentially be upgraded to produce an aromatic grade fuel. In addition, the remaining pyrolytic gases (up to 11 vol%) generated by aliphatic hydrocarbons (up to 75%), oxygenated hydrocarbons (up to 10%), and aromatic hydrocarbons (up to 42 wt% of the oil) of metal with basic solution (DBP) ranging from 4.2 to 5.5 kg/m³, indicating that the pyrolytic gases could also be used as a gaseous fuel or upgraded to produce aromatic hydrocarbons as a second generation fuel. The results indicate that the metallic char shows advantages for use as a catalyst to increase pyrolytic treatment of problematic waste oils.

© 2015 Elsevier B.V. All rights reserved.

^a Corresponding author at: System Control Automatic Energy Group (SCAE), School of Chemical Engineering, Universiti Malaysia Terengganu, 21030 Kuala Terengganu, Terengganu, Malaysia. Tel.: +609 962 4444 ext. 807-808, 809.
E-mail addresses: shlam@umt.edu.my; rockleew@umt.edu.my; chinkui@umt.edu.my; howard.chase@cam.ac.uk.

<http://dx.doi.org/10.1016/j.apcatb.2015.04.014>
0926-3373/\$ - see front matter © 2015 Elsevier B.V. All rights reserved.

Muka surat pertama makalah.



Kedudukan jurnal dalam ISI.



16 Februari 2016- Naib Canselor UMT, YBhg. Profesor Dato' Dr. Nor Aieni Haji Mokhtar beramah mesra dengan rakan media yang diraikan dalam Majlis Apresiasi Media (MAM) 2016.



23 Mac 2016- Majlis Apresiasi & Penyampaian Anugerah CEO 2016



9 April 2016- Naib Canselor UMT bersama isteri YAB Menteri Besar Terengganu, YABhg. Puan Hjh. Halina Zakaria di Program Jom Cakna Sihat bersama warga Telok Pasu.



13 April 2016- YBhg. Profesor Dato' Dr. Tajuddin Abdullah menyampaikan Syarahan Inaugural UMT ke-21 yang berjudul; Evolusi dan Biogeografi Mamalia Malaysia.

Sambutan Hari Hukum dan Perundangan 2016



Umpaman Watikah Pelantikan CEO Faculty
mme 2016.



Pelajar UMT bersama Timbalan Menteri Pendidikan Tinggi, YB Datuk Mary Yap Kain Ching di Simposium Pemimpin Muda Kebangsaan 2016 (NYLS) di UTM, Skudai.



itan Antarabangsa.



11 April 2016- Ulama antarabangsa, Dr. Zakir Naik ketika menyampaikan ceramah berjudul; Islam is the Solution for Humanity di Pusat Islam Sultan Mahmud UMT.



25 April 2016- Pelajar UMT yang menyertai program Jom Baca Bersama untuk 10 minit di Perpustakaan Sultanah Nur Zahirah.

Penerbit UMT menjadi hos *Majlis Anugerah* **MAPIM-KPT 2015**

oleh: Rabil Sitta Abdul Rahman | Penerbit UMT



“Kita mempunyai seramai 2,579 profesor di seluruh negara dan jika 50% daripada mereka menghasilkan penerbitan buku ilmiah setiap tahun, kita mempunyai kira-kira 1,290 judul buku setiap tahun.” – Dato’ Seri Idris Jusoh



Para pemenang mengabadikan kenangan bersama YB Menteri Pendidikan Tinggi.



Bertemakan konsep Pantai Timur, Penerbit UMT buat julung kali membawa "suasana" Pantai Timur di Dewan Z'a'ba, Kementerian Pendidikan Tinggi di Majlis Anugerah MAPIM-KPT 2015. Majlis anjuran Majlis Penerbitan Ilmiah Malaysia (MAPIM) di bawah naungan Kementerian Pendidikan Tinggi adalah kali ke-9 dianjurkan, dan Penerbit UMT dipertanggungjawabkan untuk menjadi Pengurus Majlis dan dibantu oleh Pusat Sitasi Malaysia (PSM),

Penerbit Universiti Sains Islam Malaysia (USIM), Penerbit Universiti Teknikal Malaysia (UTeM) dan semua anggota MAPIM.

Majlis perasmian dan penyampaian anugerah telah disempurnakan oleh Menteri Pendidikan Tinggi, YB Dato' Seri Idris Jusoh. Turut serta memeriahkan majlis ialah kehadiran Timbalan Menteri Pendidikan Tinggi, YB Dato' Mary Yup Kain Ching, Ketua Setiausaha Kementerian Pendidikan Tinggi, YBhg.

Dato' Seri Ir. Dr. Zaini Ujang, Ketua Pengarah Pendidikan Tinggi, Jabatan Pendidikan Tinggi, YBhg. Dato' Profesor Dr. Asma Ismail merangkap Pengurus Lembaga MAPIM, Timbalan Ketua Pengarah Tinggi (IPTA), YBhg. Datin Paduka Ir. Dr. Siti Hamisah Tamsir dan Pengurus Jawatankuasa Pelaksana MAPIM, YBhg. Profesor Ir. Dr. Jailani Mohd Nor serta Pengarah Penerbit UMT, YBrs. Prof. Madya Dr. Noraien Mansor.

Pada majlis ini, YB Menteri Pendidikan turut melancarkan 35 penerbitan terkini anggota MAPIM untuk awal tahun 2016.

Anugerah MAPIM-KPT 2015 diadakan setiap tahun sebagai usaha meningkatkan dan memajukan penerbitan ilmiah di Negara ini dalam kalangan penerbit Universiti Awam (UA).

Pada majlis ini sebanyak 11 anugerah telah disampaikan. Majlis penyampaian anugerah dimulakan

dengan penyampaian Anugerah Khas MAPIM dan Anugerah Sanjungan Budi yang diberikan kepada individu-individu yang telah banyak memberikan komitmen dan jasa kepada MAPIM. Anugerah ini telah disampaikan oleh Pengerusi Lembaga MAPIM YBhg. Dato' Profesor Dr. Asma Ismail. Manakala Sembilan lagi anugerah iaitu; Anugerah Buku Ilmiah Terbaik (Bidang Kemanusiaan dan Sains Sosial), Anugerah Buku Ilmiah Terbaik (bidang Sains, Teknologi dan Perubatan), Anugerah Buku Ilmiah Popular, Anugerah Karya Suntingan Terbaik, Anugerah Makalah Jurnal Terbaik (bidang Sains, Teknologi dan Perubatan), Anugerah Makalah Jurnal Terbaik (Bidang Kemanusiaan dan Sains Sosial), Anugerah Editor Naskhah Terbaik (Bidang Sains, Teknologi dan Perubatan), Anugerah Editor Naskhah Terbaik (Bidang Kemanusiaan dan Sains Sosial) dan Anugerah Reka Bentuk Buku Terbaik disampaikan oleh YB Menteri Pendidikan Tinggi.

YB Menteri Pendidikan tinggi dalam ucapannya, menyeru supaya ahli akademik supaya menghasilkan lebih banyak bahan penerbitan ilmiah mengikut kepakaran masing-masing. Kata beliau, "Kita mempunyai seramai 2,579 profesor di seluruh negara dan jika 50% daripada mereka menghasilkan penerbitan buku ilmiah setiap tahun, kita mempunyai kira-kira 1,290 judul buku setiap tahun.

Beliau juga menyeru supaya industri, penerbit buku dan ahli akademik di negara ini memperkasa idea serta bahan penerbitan ilmiah versi digital bagi memenuhi trend penggunaan buku elektronik



Timbalan Naib Canselor (Penyelidikan dan Inovasi) UMT, Profesor. Dr. Mohd Effendy Abd Wahid (paling kanan) turut hadir di Majlis Anugerah MAPIM-KPT 2015.



Penerbit UMT membawa "nelayan" ke Putrajaya sebagai gimik pelancaran buku-buku anggota MAPIM.

atau e-Book yang semakin pesat berkembang di negara ini. Tambah beliau lagi, industri buku di negara ini perlu bersedia dengan penggunaan Teknologi Maklumat

dan Komunikasi (ICT) untuk menyahut cabaran penerbitan ke arah digital.

“Perkembangan e-Book semakin pesat terutama di negara Barat, justeru Malaysia perlu bersedia

menerbitkan bahan rujukan ilmiah dalam bentuk itu selaras dengan keperluan dan trend semasa,” kata beliau dalam ucapan perasmian Majlis Anugerah MAPIM-KPT 2015.

Sebanyak sembilan kategori dipertandingkan dalam Anugerah MAPIM-KPT 2015. Keputusan anugerah adalah seperti berikut:

Kategori	Pemenang
Anugerah Buku Ilmiah Terbaik bidang Kemanusiaan dan Sains Sosial	<p>Judul: <i>Sekularisme dan Proses Demokrasi di Turki: Pemerksaan Islam dan Kepimpinan Erdogan</i></p> <p>Penulis: Profesor Datuk Dr. Mohammad Redzuan Otman dan Dr. Masitah Sulaiman</p> <p>Penerbit: Universiti Malaya</p> <p>Hadiah: RM15,000.00, plak dan Sijil</p>
Anugerah Buku Ilmiah Terbaik Anugerah Penghargaan-Bidang Sains, Teknologi dan Perubatan	<p>Judul: <i>Hidrogen: Kesan Prestasi Enjin Pencemaran dan Kos Kitaran Hayat</i></p> <p>Penulis: Dr. Halim Razali, Prof. Dato' Dr. Kamaruzzaman Sopian , Prof. Dr. Sohit Mat</p> <p>Penerbit: Universiti Kebangsaan Malaysia</p> <p>Hadiah: RM5,000.00, plak dan Sijil</p>
Anugerah Buku Ilmiah Popular	<p>Judul: <i>Hang Tuah Catatan Okinawa</i></p> <p>Pengarang: Prof. Emeritus Hashim Musa, Dr. Rohaidah Kamaruddin</p> <p>Penerbit: Universiti Putra Malaysia</p> <p>Hadiah: RM7,000.00, plak dan Sijil</p>
Anugerah Karya Suntingan Terbaik	<p>Judul: <i>Siri Monograf Sejarah Bahasa Melayu: Unsur Etnosains Malayonesia dalam Bahasa Melayu sejak Abad ke-5 Masihi</i></p> <p>Nama Editor/Penyunting: Dr. Shaharir Mohd Zain</p> <p>Penerbit : Dewan Bahasa dan Pustaka</p> <p>Hadiah: RM7,000.00, plak dan Sijil</p>
Anugerah Makalah Jurnal Terbaik Hadiah Penghargaan-Bidang Sains, Teknologi dan Perubatan	<p>Judul: <i>Peramalan Data Siri Masa Aliran Sungai Dataran Banjir dengan Menggunakan Pendekatan Kalut</i></p> <p>Penulis: Dr. Nur Hamiza Adenan, Prof. Dr. Mohd Salmi Md Noorani</p> <p>Jurnal: Sains Malaysiana</p> <p>Penerbit: Universiti Kebangsaan Malaysia</p> <p>Hadiah: RM3,000.00, plak dan Sijil</p>
Anugerah Makalah Jurnal Terbaik Bidang Kemanusiaan dan Sains Sosial	<p>Judul: <i>Ganti Nama Bahasa Mendriq: Analisis Program Minimalis</i></p> <p>Penulis: Dr. Fazal Mohamed Mohamed Sultan, En. Mohd Romzi Ramli</p> <p>Jurnal: Jurnal Bahasa 15(2): 2015, 177-200 (ISSN: 1511-9084)</p> <p>Penerbit: Dewan Bahasa dan Pustaka</p> <p>Hadiah: RM7,000.00, plak dan Sijil</p>
Anugerah Editor Naskhah Terbaik Bidang Sains, Teknologi dan Perubatan	<p>Judul: <i>Pengenalan kepada Pencemaran Udara</i></p> <p>Editor Naskhah: Pn. Rosziana Radli</p> <p>Penerbit: Universiti Sains Malaysia</p> <p>Hadiah: RM7,000.00, plak dan Sijil</p>
Anugerah Editor Naskhah Terbaik Hadiah Penghargaan Bidang Kemanusiaan dan Sains Sosial	<p>Judul: <i>Bon Pelaksanaan dalam Kontrak Pembinaan</i></p> <p>Editor Naskhah: Pn. Che Su Yaakub</p> <p>Penerbit: Universiti Sains Malaysia</p> <p>Hadiah: RM3,000.00, plak dan Sijil</p>
Anugerah Reka Bentuk Buku Terbaik	<p>Judul: <i>Eternal Storm: Sekali Air Bah, Selamanya Pasir Berubah</i></p> <p>Pereka: En. Abdul Razak bin Abdul Aziz, Pn. Intan Siti Zarinah binti Jailani</p> <p>Penerbit: Institut Terjemahan & Buku Malaysia Berhad</p> <p>Hadiah: RM5,000.00, plak dan Sijil</p>

Kepakaran CRC Australia bantu UMT dalam kajian pengurusan bencana alam

oleh: Mohd Izham Mohd A Wahid, Pusat Pengajian Kejuruteraan Kelautan

Bahagian Pendidikan dan Latihan, Pesuruhjaya Tinggi di Malaysia dan Cooperative Research Centre (CRC) telah bekerjasama dengan Pusat Pengajian Kejuruteraan Kelautan (PPKK) menganjurkan Australia – Malaysia Research Series II: Disaster Management & Related Issues pada 23 Mac 2016. Seminar ini merupakan usaha UMT melalui Special Interest Group (SIG) – Coastal Disaster Risk

Solution (CDRS) untuk mendapatkan lebih banyak pandangan pakar antarabangsa dalam kajian-kajian mengurus bencana alam.

Antara yang membentangkan kertas kerja dalam seminar ini ialah Ketua Pegawai Eksekutif, Bushfire and Natural Hazards CRC, Dr. Richard Peter Thornton dan Geoscience Australia, Ir. Martin Wehner. Dua orang ahli akademik UMT, iaitu Prof. Madya Dr. Mohammad Fadhli

Ahmad dan Dr. Edlic Sathiamurthy turut membentangkan kertas kerja mengenai kejadian hakisan pantai dan banjir yang berlaku di sekitar UMT dan Kuala Nerus. Kesemua pembentangan tersebut berkisar kepada pengalaman kajian, mencari penyelesaian terbaik dan kaedah pengurusan bencana semula jadi melalui penemuan-penemuan dalam penyelidikan mereka. Sistem pengurusan dan *Prosedur Operasi*



Karen Welsh, Richard Peter Thornton dan Ir. Martin Wehner dibawa meninjau keadaan pantai UMT.



Naib Canselor UMT, YBhg. Profesor Dato' Dr. Nor Aieni Haji Mokhtar menyambut kehadiran Karen Welsh, Department of Education & Training, Australian Government.



Dekan PPKK, Profesor. Ir. Dr. Ahmad bin Jusoh menyampaikan Cenderamata kepada Ir Martin Frank Wehner.



Prof. Madya Dr. Mohammad Fadhlil Ahmad membentangkan kertas kerja di seminar tersebut.



Karen Welsh menyampaikan taklimat peluang menyambung pendidikan tinggi di Australia.

Standard (SOP) yang diamalkan oleh kerajaan Australia turut dikongsi dalam seminar ini.

Naib Canselor UMT, YBhg. Profesor Dato' Dr. Nor Aieni Haji Mokhtar, dalam ucapan alu-aluan beliau membayangkan komitmen berterusan UMT dalam meluaskan sumbangan kepakaran ahli akademik UMT terhadap kaedah pengurusan bencana terutama di Negeri Terengganu dan Pantai Timur. Beliau mengharapkan UMT mampu menghasilkan satu saranan yang berkualiti terhadap kecekapan sistem pengurusan bencana alam supaya komuniti setempat termasuk warga UMT tidak terjejas teruk di masa berlakunya bencana. Pengalaman pakar antarabangsa perlu dimanfaatkan sebaik mungkin, disamping membuka peluang kepada ahli akademik UMT untuk membina rangkaian dan jalinan penyelidikan antara kedua-dua belah pihak. Selain daripada itu, Karen Walsh yang merupakan Penasihat Pendidikan Sains dan Latihan Pesuruhjaya Tinggi Australia turut mengambil peluang kehadiran beliau ke seminar ini untuk menerangkan peluang biasiswa dan melanjutkan pengajian di universiti di negara tersebut.

Selepas berakhirnya seminar, kedua-dua pakar pengurusan bencana Australia ini berkesempatan untuk dibawa meninjau kesan hakisan pantai yang berlaku di UMT. Mereka turut melihat sendiri kerja-kerja pemulihan dan perlindungan pantai yang sedang dijalankan oleh Jabatan Perairan dan Saliran (JPS) Negeri Terengganu dan sempat berkongsi pandangan dengan penyelidik PPKK semasa tinjauan tersebut.

UMT Menang Anugerah Program Trisakti Economics, Business Fair Competition 2016

oleh: Dr. Noorhaslinda Kulub Abd. Rashid, Dr. Suhal Kusairi, Dr. Mohd Nasir Nawawi, Prof. Madya Dr. Suriyani Muhamad, Prof. Madya Dr. Azlina Abd. Aziz



Pemenang tempat kedua dan juara harapan II bergambar bersama pensyarah pengiring dan pengajar

Trisakti Economics, Business Fair Competition (TEBFC) 2016 merupakan satu program pertandingan tahunan yang dianjurkan oleh Fakultas Ekonomi, Universiti Trisakti Jakarta. Program ini telah mencapai tahun yang ke-11 dianjurkan dan ia menjadi acara penting bagi mengembangkan wawasan pengetahuan serta kreativiti mahasiswa/i. Pihak Universiti Trisakti telah menjemput mahasiswa dari program Sarjana Muda Ekonomi (Sumber Alam) atau lebih dikenali sebagai Natural Resource Economics Club (NREC) untuk menyertai program ini yang telah berlangsung pada 17-21 Mac 2016. Justeru itu, pihak NREC telah bersetuju menerima jemputan program ini dengan menyertai dua kategori pertandingan iaitu pertandingan Ekonomi Pembangunan dan pertandingan Pengurusan Perniagaan.

Tujuan utama TEBFC 2016 ini dilaksanakan adalah untuk mencapai objektif berikut:

- ❖ Menjalinkan hubungan kerjasama di antara peserta lain di peringkat ASEAN serta memperkuatkan MoU yang sedia ada di antara Universiti Malaysia Terengganu (UMT) dan Universitas Trisakti.
- ❖ Meningkatkan kemahiran pelajar program Sarjana Muda Ekonomi (SME), UMT untuk berinteraksi dengan masyarakat global.
- ❖ Menguji tahap intelektual pelajar dalam membuat kajian ilmiah melalui pertandingan di peringkat antarabangsa.

Program ini berlangsung selama tiga hari yang melibatkan pelbagai universiti awam dan swasta di Indonesia seperti Universitas Indonesia, Universitas Brawijaya, Universitas Telkom Bandung, Universitas Sebelas Maret dan pelbagai universiti lain. Mahasiswa/i UMT yang terlibat adalah seramai 12 orang (empat mahasiswa dan lapan mahasiswi) serta diiringi oleh

dua orang pensyarah iaitu Dr. Suhal Kusairi dan juga Dr. Noorhaslinda Kulub Abd. Rashid.

Perasmian program TEBFC pada 18 Mac 2016 telah disempurnakan oleh Prof. Farah Margaretha, PhD – Wakil Dekan IV Bidang Kerjasama dan Bapak Muhammad Yudhi Lutfi – Wakil Dekan III Bidang Kemahasiswaan dan juga kakitangan Universitas Trisakti. Selain itu, Seminar Nasional turut berlangsung pada masa yang sama, bertempat di Kampus A, Universitas Trisakti. Sesi pembentangan kertas kerja dijalankan melalui dua fasa pembentangan dan dibahagikan mengikut bidang tujuan masing-masing iaitu bidang pengurusan, ekonomi dan juga perakaunan. Mahasiswa UMT telah memilih tajuk; “Corruption in Business Activities” dan juga “Penyediaan Pelan Perniagaan (Strategi Pemasaran Pau ke Pasaran Global).”

Selepas tamat sesi pembentangan pertama, semua peserta



Peserta tempat kedua UMT bergambar bersama Pensyarah Trisakti.

pembentangan akan diberikan satu kes yang baharu untuk disiapkan dan akan dibentangkan pada hari berikutnya iaitu pada 19 Mac 2016, dengan tajuk; "Hubungan Tingkat Kebahagiaan dan Tingkat Rasuah." Pada hari ketiga 20 Mac 2016 pula, para peserta dibawa mengikuti lawatan ilmiah di sekitar Jakarta bagi mengeratkan lagi hubungan di antara peserta TEBFC 2016 dengan semua panitia TEBFC 2016.

Hasil daripada penyertaan mahasiswa/i UMT dalam dua acara yang dipertandingkan, UMT telah meraih kemenangan. Pertama, dalam pertandingan yang bertemakan; "Ekonomi Pembangunan," UMT berjaya merangkul pingat 'Juara Harapan I' dengan membawa pulang wang tunai berjumlah Rp1,500,000, trofi dan sijil penyertaan. Manakala bagi pertandingan yang bertemakan; "Pengurusan Perniagaan," UMT berjaya membawa pulang pingat sebagai 'Juara II' beserta wang tunai berjumlah Rp3,500,000, trofi dan juga sijil penyertaan.

Menurut Saudari Siti Aishah binti Othman salah seorang peserta dari tahun tiga menyatakan bahawa melalui pertandingan seumpama ini, para pelajar telah berjaya mencungkil bakat terpendam masing-masing



Peserta juara harapan II UMT bergambar bersama pensyarah Trisakti.

dan juga dapat mempraktikkan segala ilmu, kemahiran mahupun pengetahuan yang mereka ada selama ini ke arah mencapai matlamat untuk memperkasakan mahasiswa/i ke arah pemikiran global melalui perkongsian dan pertukaran idea dan pendapat antara setiap peserta.

Selain itu, pertandingan ini dilihat sebagai platform yang mampu menguji kemampuan mahasiswa/i dalam pemahaman dan pengaplikasian teori-teori yang telah diperolehi dalam pembelajaran mereka ke dalam bentuk pengembangan idea kreatif.

Mahasiswa/i juga dapat mengasah daya pemikiran kritis mereka ke arah menganalisis dan menginterpretasikan segala persoalan yang cuba dibangkitkan dalam persekitaran perniagaan atau ekonomi yang akan mereka hadapi dan aplikasikan dalam kehidupan seharian dan akan datang. Di samping itu, pertandingan ini mampu melahirkan mahasiswa/i universiti tempatan yang berkebolehan untuk bertanding di peringkat antarabangsa dan berani untuk menyuarakan pendapat atau pandangan mereka sendiri ke arah memperkasakan jati diri dan intelektual.

Akhir kata, diharapkan agar Program TEBFC 2016 ini dapat dijadikan sebagai aktiviti tahunan dengan pengisian yang lebih banyak dan mantap serta bermanfaat pada masa akan datang. Antara impak positif yang jelas diperolehi adalah, TEBFC 2016 dapat membantu pelajar mengasah bakat dan kemampuan diri sebagai persediaan memasuki pasaran pekerjaan selain mampu berinteraksi dengan masyarakat global. Program ini jelas telah mencapai semua objektif yang dirancang. Kami rombongan UMT merakamkan setinggi-tinggi penghargaan dan ucapan terima kasih kami pada pihak pengurusan Pusat Pembangunan Holistik Pelajar atas bantuan dan juga peruntukan kewangan yang diberikan dalam menjayakan program ini. Tidak lupa juga kepada Dekan PPPSE, Prof. Madya Dr. Suriyani Muhamad, Pengerusi Program Ekonomi, Prof. Madya Dr. Azlina Abd. Aziz dan juga Penasihat NREC, Dr. Mohd Nasir Nawawi atas kerjasama yang diberikan sepanjang program ini dari mula hingga ke peringkat akhir. Mudah-mudahan program ini mampu memberikan manfaat dunia dan akhirat pada semua yang terlibat.

Konsep Kesepunyaan dan Keserakahan UMT dan UNISZA

oleh: Zolarman Mohamad | Pejabat Naib Canselor



Universiti Malaysia Terengganu dan Universiti Sultan Zainal Abidin (UNISZA) telah diberi kepercayaan oleh pihak Kementerian Pendidikan Tinggi Malaysia bagi mempelopori Konsep Kesepunyaan dan Keserakahan (COMMONALITY & COLLEGIALITY). Konsep ini membuka ruang kepada kedua-dua universiti awam agar dapat berkongsi pelbagai entiti dalam usaha mengenangkan pendidikan fleksibel dan kesepunyaan. Beberapa mesyuarat di peringkat pengurusan tertinggi di kedua-dua buah universiti awam telah diadakan.



Hasrat YB Menteri Pendidikan Tinggi terhadap Konsep Kesepunyaan dan Keserakahan.

Perbincangan Konsep Kesepunyaan dan Keserakahan (COMMONALITY & COLLEGIALITY) UMT & UNISZA kali pertama telah diadakan pada 23 Februari 2016 bertempat di UMT. Perbincangan tersebut yang menjurus kepada portfolio akademik manakala perbincangan kali kedua telah diadakan pada 20 Mac 2016 mencakupi portfolio Hal Ehwal Pelajar dan alumni serta Penyelidikan dan Inovasi. Hasil daripada perjumpaan kali kedua itu, satu sesi pembentangan khas kepada YB Menteri Pendidikan Tinggi telah diadakan oleh kedua-dua

Timbalan Naib Canselor (Akademik & Antarabangsa) bagi menjelaskan konsep tersebut. Manakala pembentangan kepada Penasihat dan Pegawai Khas Menteri Pendidikan Tinggi juga telah dilakukan pada 10 Mei 2016 bagi melihat perkembangan terkini yang telah dilaksanakan.

Kesepunyaan dan Keserakahan Akademik



Empat aspek utama yang diberi keutamaan untuk melaksanakan Konsep Kesepunyaan dan Keserakahan.

Kedua-dua pihak, UMT dan UniSZA akan menjalin kerjasama erat dalam program akademik, pensyarah, pelajar dan juga fasiliti Pengajaran dan Pembelajaran. UMT dan UniSZA sebenarnya telah pun menjalankan program kerjasama daripada segi pengambilan pensyarah sambilan, penganjuran bersama International Conference on Teaching & Learning in Higher Education 2016, Software Engineering serta guna sama perpustakaan.

PROGRAM BERSAMA SEDIA ADA

Pensyarah Sambilan	Penganjuran bersama International Conference on Teaching & Learning in Higher Education 2016	Software Engineering	Guna Sama Perpustakaan
--------------------	--	----------------------	------------------------

Program kerjasama sedia ada antara UMT-UniSZA.

Bagi memantapkan lagi Konsep Kesepuian dan Keserakan ini, UMT-UniSZA akan melaksanakan program segera dalam aspek kesetaraan pindah kredit kursus, MOOCs, penyeliaan bersama pascasiswazah dan Experiential Learning/ MY3L dan mobiliti pelajar & pensyarah. Manakala guna sama fasiliti dipertingkatkan kepada penggunaan makmal, peralatan teknologi tinggi serta fasiliti Pengajaran dan Pembelajaran.

PROGRAM SEGERA

KESETARAAN PINGGIR KREDIT KURSUS: INFO : Doktor Beliau Ko-kurikulum	MOOCs	PENYELIAAN BERSAMA PASCA SISWAZAH	EXPERIENTIAL LEARNING/MY3L	MOBILITI PELAJAR & PENSYARAH	GUNA SAMA FASILITI
UNIT	UNIT	UNIT	UNIT	UNIT	UNIT
1) Hand Architecture & Ing Building 2) Sustainable Development 3) Principles of Ecology	1) Institut Penyelidikan 2) Facliti pengajaran pasca sivilean	1) Kerang & Keselamatan Air 2) Selam Skudai	1) Teknologi Maklumat (UMT& UniSZA) 2) Reka Bentuk Perancangan Lantai & Perancangan Persekitaran UniSZA 3) Perakitan (UNIT & UniSZA)	1) Imprimat 2) Perakitan Teknologi Tinggi 3) Facliti PRP	1) Pelajar Tempatan Pelajar Antarabangsa
Pengiktirafan semua kursus yang dikenali					
UHSZA		UniSZA			
1) Agricultural Entrepreneurship 2) Microeconomics 3) Pengantar Ibu-Puan		1) Falak & Astronomi 2) Klinik Tahfiz Al-Qur'an 3) Tadqiq Internet			

Program kerjasama yang dipertingkatkan antara UMT-UniSZA.

Demi merealisasikan hasrat ini juga, UMT-UniSZA turut merangka Program Jangka Panjang (2017-2025). UMT-UniSZA akan bekerjasama menawarkan program *double degree*, *dual degree* dan *joint award* untuk tujuh kursus sarjana muda di kedua-dua universiti.

PROGRAM JANGKA PANJANG

PENGAWARAH PROGRAM (DUAL DEGREE/JOINT DEGREE)	PEMBELAJARAN WORK BASED LEARNING (WBL) (2U2I)
DUAL DEGREE: SMAK (Komputeran Internet) UniSZA SMAK (Kejuruteraan Perifiks) UMT	JOINT AWARD: Sarjana Muda UniSZA Sarjana Muda UMT

Program Jangka Panjang Konsep Kesepuian dan Keserakan UMT-UniSZA (2017-2025).



Secara keseluruhannya, kedua-dua pihak akan memanfaatkan potensi yang ada di universiti masing-masing seperti kepakaran ahli akademik, pengalaman staf sokongan untuk merealisasikan hasrat menjadikan daerah Kuala Nerus sebagai bandar universiti. Bandar universiti ini bakal menjadi hab pusat pelajar yang menjadi tumpuan kepada pelajar tempatan dan juga pelajar antarabangsa.

Pada masa yang sama juga, UMT-UniSZA akan terus bekerjasama dalam penganjuran program bersama seperti penganjuran program kesukarelawan, karnival pendidikan Pantai Timur, Orkestra dan Persembahan Kebudayaan Diraja serta aktiviti sukan muhibah bersama.

PENGANJURAN PROGRAM BERSAMA

Kesukarelawanan - Bencana Alam Banjir	Karnival Pendidikan Pantai Timur	Orkestra dan Persembahan Kebudayaan Diraja	Sukan Muhibah - Aktiviti Laut dan Tasik
---------------------------------------	----------------------------------	--	---

Jalinan Kerjasama Antara Pusat Pengajian Pembangunan Sosial dan Ekonomi (PPPSE) dengan Yayasan DiRaja Sultan Mizan (YDSM)

oleh: Dr. Siti Salina Abdullah, Rosfarhani Daud

Program Orientasi Seni Kraf Warisan Yayasan DiRaja Sultan Mizan (YDSM) telah berlangsung pada 21 hingga 23 April 2016 bertempat di Scout Inn, Kuala Terengganu. Tahun ini merupakan kali kedua Pusat Pengajian Pembangunan Sosial dan Ekonomi (PPPSE) diberi kepercayaan oleh Yayasan DiRaja Sultan Mizan Terengganu untuk menganjurkan program motivasi kepada peserta seni kraf warisan YDSM. Objektif program orientasi ini adalah untuk membentuk ukhwah dan memberikan suntikan motivasi dan hala tuju kepada 31 orang peserta yang baru sahaja mengikuti Program Seni Kraf Warisan YDSM bagi sesi 2016. Modul program orientasi ini telah dirangka khusus oleh Dr Siti Salina Abdullah selaku pensyarah kaunseling di PPPSE. Program orientasi ini juga adalah hasil kalaborasi bersama dengan Masjid Al-Muktafi Billah Shah dan juga UniSZA. Perjalanan program selama 3 hari 2 malam ini telah dibantu oleh enam fasilitator yang terdiri daripada dua orang pelajar Sarjana Muda Kaunseling dan empat orang pelajar pasca siswazah jurusan kaunseling di PPPSE. Peserta program orientasi ini terdiri daripada mentee yang mengikuti salah satu daripada bidang latihan seni kraf warisan Terengganu



iaitu seni kraf kayu, barangan perak, keris, batik dan juga tembaga yang ditawarkan oleh YDSM. Peserta ini akan mengikuti latihan selama 18 bulan di bawah bimbingan mentor yang berpengalaman dalam bidang masing-masing. Mentor yang dipilih oleh YDSM terdiri daripada Ukiran Kayu Bakawali, Balai Seni Wanpo, Bengkel Besi Pak Ghani, A&M Global, Abdul Halim Bin Harun, Bangsal Keris Che El, Noor Arfa Holdings Sdn Bhd, Seni Kayu Warisan dan Wanisma Craft & Trading. Justeru itu, pengalaman mentor yang amat luas ini sangat perlu bagi mengembangkan seni kraf warisan Terengganu kepada generasi muda. Manakala, bagi mentee pula, peluang untuk mendapatkan bimbingan secara langsung oleh mentor seharusnya dimanfaatkan sepenuhnya. Konsep mentor mentee yang diaplikasikan dalam Program Seni Kraf Warisan YDSM ini ternyata

amat bermakna dan memberi manfaat bukan sahaja kepada mentee malah juga kepada mentor. Komitmen YDSM untuk mewujudkan konsep mentor dan mentee adalah bertujuan melahirkan ramai usahawan muda seni kraf Terengganu yang dapat membuka perniagaan seni kraf sendiri. Komitmen YDSM terhadap Program Seni Kraf Warisan Terengganu sejak tahun 2008 jelas terbukti apabila Ybhg. Dato' Haji Mohd Fadzli Bin Yusof selaku Ahli Lembaga Pemegang Amanah serta isteri dan warga kerja YDSM turut hadir dalam majlis makan malam bagi meraikan mentee yang telah berjaya menamatkan Program Seni Kraf Warisan Terengganu dan juga bagi meraikan mentor dan mentee untuk program seni kraf 2016. Warga PPPSE merungutkan jutaan terima kasih kepada YDSM atas kepercayaan yang diberikan bagi menjayakan program ini.

Lawatan Akademik Universitas Kanjuruhan Malang ke PPPSE

oleh: Dr. Nor Hayati Sa'at , Muhammad Harya Ramdhoni | Pusat Pengajian Pembangunan Sosial dan Ekonomi

Universitas Kanjuruhan Malang (UNIKAMA), Indonesia telah membuat kunjungan akademik ke Pusat Pengajian Pembangunan Sosial dan Ekonomi (PPPSE), Universiti Malaysia Terengganu (UMT) pada 23 Februari 2016. Kunjungan akademik UNIKAMA terdiri daripada Naib Canselor Universitas Kanjuruhan Malang, Dr. Peter Sahertian Selaku, Ketua Yayasan, Dr. Christea Fridiantara, Kepala Jawatan Biro Kerjasama Antarabangsa, Dr. Umiyati dan Pensyarah Kanan, Dr. Suyatno.

Fokus utama kunjungan akademik ini untuk mengadakan perbincangan ilmiah sempena promosi di peringkat serantau oleh UNIKAMA dalam rangka lawatan mereka ke beberapa universiti terpilih di Malaysia. Lawatan ke Pusat Pengajian Pembangunan Sosial dan Ekonomi (PPPSE), UMT dipilih disebabkan penjurusan bidang sains sosial yang ada kesamaan dengan beberapa fakulti di UNIKAMA iaitu Fakultas Ekonomika dan Bisnis, Fakultas Ilmu Pendidikan (Bimbingan dan Kaunseling) serta Fakultas Bahasa dan Sastra.

Sesi perbincangan tersebut dimulakan dengan ucapan alu-aluan dan taklimat mengenai pengajian di UMT dan PPPSE oleh Dr. Nor Hayati Sa'at selaku wakil Dekan PPPSE dan Pengerusi Program Sarjana Muda Pengurusan (Polisi dan



Sekitaran Sosial), disusuli ucapan balas daripada Naib Canselor UNIKAMA. Sesi perbincangan diteruskan oleh pihak PPPSE yang turut disertai Prof. Madya Dr. Azlina (Pengerusi Program Sarjana Muda Ekonomi (Sumber Alam) dan 10 orang pensyarah PPPSE. Fokus utama perbincangan adalah menjurus kepada potensi membina kerjasama dalam bidang penyelidikan, mobiliti pelajar ijazah pertama serta peluang melanjutkan pengajian diperingkat pascasiswazah (sarjana dan PhD) di PPPSE dalam bidang pengajian sosial, kaunseling dan ekonomi. Ternyata sesi perbincangan tersebut telah membuka ruang yang memberangsangkan kepada kedua-dua pihak hasil integrasi ilmu dan budaya kedua-dua negara walaupun dalam tempoh masa singkat. Semangat kerjasama yang ditonjolkan oleh para pensyarah PPPSE dan UNIKAMA telah memberikan pengalaman dan maklumat yang amat bermakna kepada kedua-dua pihak.

Akhirnya, melalui lawatan akademik tersebut dibincangkan juga beberapa perkara mengenai potensi kerjasama konferensi dua hala Malaysia-Indonesia mengenai kajian maritim dan masyarakat pesisir yang merupakan salah satu *niche* penyelidikan UMT. Umumnya, lawatan akademik ini telah memberi ruang yang luas untuk percambahan minda, khususnya mengenai pembelajaran di peringkat sarjana dan doktor falsafah. Di peringkat pentadbiran pula, kedua-dua buah universiti, khususnya Pusat Pengajian Pembangunan Sosial dan Ekonomi, UMT dan UNIKAMA telah terjalin satu jambatan ilmu merentas negara dalam bidang pembangunan komuniti, ekonomi dan kaunseling. Pelbagai kerjasama boleh dilaksanakan sama ada dalam bidang penyeliaan program pengajian siswazah, penyelidikan dan penerbitan.

Kembara Borneo Penyelidik UMT Temui Kelulut Emas di Sarawak

oleh: Mokhtar Ishak | Pusat Komunikasi Korporat

Spesies kelulut emas yang sebelum ini hanya ditemui di Thailand kini telah ditemui oleh kumpulan penyelidik UMT yang diketuai oleh Prof. Madya Dr. Shamsul Bahri Abd Razak. Prof. Madya Dr. Shamsul melakar sejarah apabila menemui spesies Kelulut Emas atau nama saintifiknya *Tetragonula sirindhornae* di Kuching, Sarawak.



Penemuan terbaharu dalam Siri Kembara Borneo yang dijalankan pada 3 hingga 8 April 2016, turut membuktikan spesies itu sebenarnya turut wujud di negara ini. Lebih menarik, penemuan spesimen hidup turut membuktikan *Tetragonula Sirindhornae* (kelulut emas) yang pertama kali ditemui di Thailand pada 2003, wujud di negara ini dan dirakam secara semula jadi oleh jurugambar UMT, Mokhtar Ishak yang turut serta dalam kembara tersebut. Selain daripada spesies tersebut, dua

lagi spesies jarang ditemui turut dijumpa ialah *Tetragonula melanocephalan* dan *Geniotrigona lactefasciata*.

Penyelidik yang juga Pensyarah Pusat Pengajian Sains dan Teknologi Makanan UMT, Prof. Madya Dr. Shamsul Bahri Abd Razak berkata, pada awalnya kembara itu diadakan untuk membuat kajian dan pemetaan kelulut yang tidak terdapat di Semenanjung Malaysia. Bagaimanapun katanya, ketika menjalankan kajian,



Kelulut emas.

mereka menemui spesies kelulut yang terbukti adalah kelulut emas, yang sebelum ini hanya diketahui terdapat di Thailand.

“Penyelidik dapat mengenal pasti spesies ini melalui abdomen yang berwarna emas dan saiz badan, namun kita harap mampu mengkaji secara menyeluruh mengenai spesies ini, terutama melibatkan habitat,” jelas Prof. Madya Dr. Shamsul Bahri.

Kata beliau lagi, "Kebanyakan kajian mengenai kelulut emas dilakukan sebelum ini juga hanya melibatkan penyelidik dari Eropah, namun kita percaya penemuan terbaru ini akan menjadi tarikan kepada penyelidik tempatan," katanya.

Prof. Madya Dr. Shamsul Bahri melalui pasukan penyelidikan berharap, akan menemui lebih banyak spesies kelulut memandangkan industri kelulut dilihat mampu menjana pendapatan lumayan kepada masyarakat.



Prof. Madya Dr. Shamsul Bahri Abd Razak melihat sarang kelulut emas di Kg. Sg. Kilong, Sematan di Kuching, Sarawak.

Majlis Pemakaian Pangkat

PALAPES (L) UMT

oleh: Leftenan Madya Muhammad Azrie bin Zainuddin PSSTLDM
Jurufoto: PKK Muhammad Wafiyahya bin Mohd Agil

Perbarisan mingguan Badan Beruniform Universiti Malaysia Terengganu (UMT) telah diadakan pada hari Rabu setiap minggu dengan menggunakan sistem giliran antara badan beruniform. Perbarisan pada kali ini telah diterajui oleh PALAPES (L) UMT. Julung kalinya, perbarisan mingguan beruniform kali ini telah disempurnakan oleh YBhg Komandan PALAPES (L) UMT, Kepten (K) Profesor Dato' Dr. Nor Aieni binti Haji Mokhtar PSSTLDM merangkap Naib Canselor Universiti Malaysia Terengganu dengan diiringi oleh Pegawai Memerintah PSTL Setiu, Kepten Prof. Madya Hj. Zainal Ashirin bin Sahardin PSSTLDM merangkap Timbalan Komandan PALAPES (L) UMT.

Perbarisan dimulakan setelah semua yang terlibat mengambil tempat di Dataran Canselori UMT, diikuti dengan perbarisan kawalan terdiri daripada 30 orang PALAPES (L) UMT Ambilan 7/2013 masuk padang yang diketuai oleh Pegawai Kadet Kanan Muhammad Faiq Asyraf bin Mohd Haris. Seterusnya ketibaan YBhg Naib Canselor UMT selaku Pegawai Tabik Hormat pada perbarisan mingguan pada kali ini, majlis diteruskan dengan nyanyian lagu *Negaraku, Samudera Raya* dan *UMT Cita Warisan*.

Majlis diteruskan dengan penerimaan Tabik Hormat dan pemeriksaan kawalan oleh YBhg Naib Canselor UMT dengan diiringi Pegawai Memerintah PSTL Setiu. Kemuncak bagi perbarisan



Pemeriksaan Kawalan oleh YBhg Kepten (K) Profesor Dato' Dr. Nor Aieni binti Haji Mokhtar PSSTLDM.



Pemakaian Pangkat oleh Pegawai Memerintah PSTL Setiu dan Naib Canselor UMT.

mingguan badan beruniform UMT kali ini ialah Majlis Pemakaian Pangkat kepada Pegawai PSSTLDM UMT dan Pegawai Tadbir PALAPES (L) UMT. Pegawai-pegawai yang terlibat adalah Leftenan Madya Aisamuddin bin A. Jalil PSSTLDM yang telah dinaikkan pangkat Leftenan PSSTLDM. Seterusnya, Leftenan Muda Muhammad Azrie bin Zainuddin PSSTLDM yang telah

dinaikkan pangkat kepada Leftenan Madya PSSTLDM. Acara diteruskan lagi dengan ucapan dari YBhg Naib Canselor UMT. Sesi penyampaian cenderamata kepada Naib Canselor UMT telah disempurnakan oleh Pegawai Memerintah PSTL Setiu. Majlis akhirnya ditutup dengan bacaan doa oleh Leftenan Aisamuddin bin A. Jalil PSSTLDM.

Pesta Buku Antarabangsa Kuala Lumpur 2016

Syurga Si Ulat Buku


oleh: Nazarudin Othman | Penerbit UMT

Pesta buku Antarabangsa Kuala Lumpur 2016 (PBAKL 2016) telah melabuhkan tirai pada 9 Mei 2016 dengan penuh gilang gemilang. Buat julung kalinya, Pesta Buku Antarabangsa 2016 telah berkampung di Malaysia Agro Exposition Park serdang (MAEPS), Serdang selama 11 hari yang bermula pada 29 Mei hingga 9 Mei 2016. PBAKL memang sinonim dengan lokasi sebelumnya iaitu di Pusat Dagangan Dunia Putra (PWTC) setiap tahun.

Pesta Buku Antarabangsa ini merupakan kubu bagi penerbit-penerbit di seluruh Malaysia untuk mengetengahkan bahan-bahan ilmiah berkualiti yang menjadi wadah kepada pengunjung memupuk semangat cinta kepada ilmu pengetahuan, Ekspresi kepada "Membaca Jambatan Ilmu".

PBAKL menjadi tumpuan pemain industri buku pelbagai peringkat, daripada pengedar, penerbit, penulis, penyunting dan juga pembaca. Justeru, bagi Penerbit UMT, penyertaan di PBAKL merupakan agenda wajib pada setiap tahun. Antara bidang penerbitan ilmiah yang dapat diketengahkan oleh Penerbit UMT sepanjang pesta buku ini ialah bidang sains marin, sains teknologi, bahasa, pendidikan, agama dan lain-lain. Pada kali ini Penerbit UMT telah menghantar petugas untuk bertugas secara bergilir-gilir sepanjang pesta buku ini berlangsung.

Seperti penerbit Universiti Awam lain yang bernaung di bawah payung



Majlis Penerbitan Ilmiah Malaysia (MAPIM), Penerbit UMT juga menyertai gerai MAPIM di PBAKL. Penyertaan di PBKL ini merupakan peluang terbaik kepada Penerbit UMT untuk mempromosi bahan terbitan UMT terutama buku-buku terbaru yang terbit di awal tahun 2016.

Walaupun berdepan dengan saingan daripada penerbit-penerbit yang lain, penjualan buku oleh penerbit UMT tidak menghampakan kerana sasaran jualan buku pada tahun ini telah meningkat 37% kadar jualan berbanding tahun 2015. Ini merupakan satu kejayaan besar kepada Penerbit UMT sepanjang penglibatan Pesta Buku Antarabangsa yang berlangsung pada setiap tahun. Kejayaan ini tidak datang bergolek tanpa kerjasama semua staf Penerbit yang diketuai oleh Pengarah Penerbit UMT iaitu Profesor Madya

Dr. Noraien Mansor yang sentiasa memberi sokongan kepada semua petugas sepanjang berlangsungnya pesta buku antarabangsa ini.

Tiga buku terbitan UMT telah terpilih antara 40 judul buku anggota MAPIM yang laku keras di PBKL 2016. Buku *Simple Introduction for Data Analysis using SPSS* (laku 90 naskhah; tangga ke-13), buku *Data Analysis using SPSS Version 22* (laku 77 naskhah; tangga ke-15) dan buku *Sejarah Peperangan Tok Janggut di Kelantan* (laku 48 naskhah; tangga ke-26).

Diharapkan kejayaan Pesta Buku Antarabangsa pada kali ini akan memberi suntikan semangat kepada Penerbit UMT untuk terus menunjukkan prestasi cemerlang dalam penerbitan bahan ilmiah yang berkualiti bukan hanya di peringkat universiti malahan ke peringkat global.

RENUNGAN

Sebaik-baik Amalan


Bulan Ramadan merupakan bulan yang dijanjikan Allah SWT pelbagai ganjaran dan nikmat yang tidak terhingga banyaknya. Antara amalan yang sangat dituntut untuk dilakukan pada bulan ini ialah bersedekah memberi makan kepada golongan miskin.

Ini telah dijelaskan oleh baginda Nabi SAW melalui hadis yang diriwayatkan oleh Abdullah bin Amr RA, bahawa seorang lelaki telah bertanya kepada Nabi SAW; "Islam bagaimakah yang paling baik?" Maka beliau menjawab, "Engkau memberikan makan (kepada orang miskin) dan mengucapkan salam kepada orang yang engkau kenal maupun orang yang tidak engkau kenal". - Hadis Riwayat Ahmad.

Orang yang memberi makan kepada orang berbuka puasa akan mendapat ganjaran pahala puasa tersebut. Sebagaimana sabda Nabi SAW; "Barang siapa yang memberi makan kepada orang yang berpuasa, maka baginya pahala seperti orang yang berpuasa tersebut, tanpa dikurangi sedikit pun pahala orang berpuasa tersebut."

Amalan ini merupakan sebaik-baik amalan yang disukai oleh Nabi SAW dan baginda sentiasa menggalakkan para sahabatnya untuk bersedekah dengan memberi makan kepada golongan miskin.

Riswadi bin Azmi
Pusat Islam Sultan Mahmud
Universiti Malaysia Terengganu




Authors:
Noraien Mansor
Nik Nor Hidayah M. Zuldin
Samsiah Abd. Hamid

ISBN: 978-967-0962-08-5
Price: RM23.00




Pengarang:
Noor Rohana Mansor
Rosyati Abdul Rashid

ISBN: 978-967-0962-12-2
Harga: RM26.00




Pengarang:
Hamdan Aziz

ISBN: 978-967-0962-06-1
Harga: RM28.00




Pengarang:
Wan Muhamad Amir W Ahmad
Nor Azlida Aleng
Nurfadhlina Abd. Halim
Syerrina Zakaria

ISBN: 978-967-0962-10-8
Harga: RM44.00




Author:
Abd. Wahab A Rahman

ISBN: 978-967-0962-09-2
Price: RM23.00




Author:
Rosyidah Muhamad

ISBN: 978-967-0962-13-9
Price: RM43.00



Pengarang:
Mohd Tajuddin Abdullah

ISBN: 978-967-0962-11-5
Harga: RM58.00



Authors:
Kasypi Mokhtar
Gobi Krishnan Veluplay
Wan Muhamad Amir W. Ahmad

ISBN: 978-967-0962-14-6
Price: RM21.00